

Տարեկան (հերթական) ընդհանուր ժողովի հրավիրման պարտականության մասին

Նախաբան

Բոլոր ընկերությունները պարտավոր են մարտի 1-ից մինչև հունիսի 30-ը (բաժնետիրական ընկերությունների դեպքում ժողովը կարող է հրավիրվել ավելի վաղ, քան մարտի 1-ը) ընկած ժամանակահատվածում հրավիրել տարեկան ժողով: Մեկ մասնակից կամ բաժնետեր ունեցող ընկերությունում նման պարտավորությունը ևս առկա է, սակայն տարեկան ժողովի իրավասությանը վերաբերող հարցերի կապակցությամբ որոշումները կարող են ընդունվել ընկերության միակ մասնակցի / բաժնետիրոջ գրավոր որոշմամբ: Ընդ որում, նշված պահանջը չի տարածվում ընկերության (ներառյալ օտարերկրյա) առանձնացված ստորաբաժանումների՝ մասնաճյուղերի և ներկայացուցչությունների վրա:

Սահմանափակ պատասխանատվությամբ ընկերություններ

Տարեկան ժողովի հրավիրման ժամկետը

Այսպես «Սահմանափակ պատասխանատվությամբ ընկերությունների մասին» (այսուհետ՝ «**ՍՊԸ Օրենք**») ՀՀ օրենքի 37-րդ հոդվածի համաձայն՝ հերթական ժողովը պետք է անցկացվի ոչ պակաս, քան տարին մեկ անգամ: Ընկերության գործունեության

տարեկան արդյունքները հաստատող հերթական ժողովը (այսուհետ՝ «**Տարեկան ժողով**») պետք է հրավիրվի տվյալ ընկերության կանոնադրությամբ սահմանված ժամկետներում, սակայն **ֆինանսական տարվա ավարտից ոչ շուտ, քան 2 ամիս և ոչ ուշ, քան 6 ամիս անց:** Այսինքն, Տարեկան ժողովը պետք է հրավիրվի մարտի 1-ից մինչև հունիսի 30-ն ընկած ժամանակահատվածում ցանկացած ժամանակ կամ ընկերության կանոնադրությամբ նախատեսված ժամկետում, որը չի կարող լինել մարտի 1-ից ավելի շուտ կամ հունիսի 30-ից ավելի ուշ:

Տարեկան ժողովի բացառիկ իրավասությունները.

ՍՊԸ Օրենքի 36-րդ հոդվածը սահմանում է ընկերության ընդհանուր ժողովի բացառիկ իրավասությունները, որոնցից տարեկան ժողովի բացառիկ իրավասություններն են.

1. տարեկան հաշվետվությունների և տարեկան հաշվեկշռի հաստատումը. Ընդ որում, այն դեպքում, երբ ընկերությունն ունի վերստուգիչ հանձնաժողով, սպա Տարեկան ժողովն իրավունք չունի հաստատել ընկերության տարեկան հաշվետվությունները և հաշվապահական հաշվեկշիռները՝ ընկերության վերստուգիչ հանձնաժողովի (վերստուգողի) եզրակացությունների բացակայության դեպքում:

2. *ընկերության շահույթն
ընկերության մասնակիցների միջև
բաշխելու մասին որոշումն
ընդունելը.*

Ընդ որում, այն դեպքում, երբ Տարեկան ժողովը որոշում է կայացնում ընկերության շահույթը մասնակիցների միջև բաշխելու մասին, ապա Տարեկան ժողովի որոշման մեջ պետք է նշվի նաև շահույթի և մասնակիցների միջև բաշխման ենթակա շահաբաժինների չափը:

**Բաժնետիրական
ընկերություններ**

*Տարեկան ժողովի հրավիրման
ժամկետը*

Այսպես, «Բաժնետիրական ընկերությունների մասին» ՀՀ օրենքի (այսուհետ՝ «**ԲԸ Օրենքի**») 66-րդ հոդվածի կարգավորումների համաձայն ընկերությունը պարտավոր է ամեն տարի գումարել բաժնետերերի տարեկան ժողով, որը պետք է գումարի կանոնադրությամբ սահմանված ժամկետներում, բայց **ոչ ուշ, քան ընկերության հերթական ֆինանսական տարվա ավարտից հետո՝ վեց ամսվա ընթացքում:** Այսինքն, Տարեկան ժողովը պետք է գումարվի յուրաքանչյուր տարի մինչև հունիսի 30-ը ընկած ժամանակահատվածում:

Ավելին, այն դեպքում, երբ սահմանված ժամկետում Տարեկան ժողովը տեղի չի ունեցել, ապա արտահերթ ժողով կարող է հրավիրվել **միայն ընկերության լուծարման կամ Տարեկան ժողովին վերապահված հարցերը քննարկելու համար:** Նշված հարցերով հրավիրված արտահերթ ժողովում այլ հարցեր քննարկվել չեն կարող, բացառությամբ Տարեկան

ժողովին վերապահված հարցերով կայացված որոշումներով պայմանավորված կանոնադրական կապիտալի նվազեցման դեպքերի:

*Տարեկան ժողովի բացառիկ
հրավասությունները.*

ԲԸ Օրենքի 67-րդ հոդվածի համաձայն Տարեկան ժողովի հրավասություններն են.

1. խորհրդի առկայության դեպքում դրա քանակական կազմի հաստատումը, դրա անդամների ընտրությունը, նրանց լիազորությունների վաղաժամկետ դադարեցումը: Խորհրդի քանակական կազմի հաստատման և դրա անդամների ընտրության հարցերը քննարկվում են բացառապես տարեկան ժողովներում:

2. վերստուգող հանձնաժողովի առկայության դեպքում դրա անդամների (վերստուգողի) ընտրությունը և նրանց (նրա) լիազորությունների վաղաժամկետ դադարեցումը, պայմանով որ այդ հրավասությունները վերապահված են ժողովին:

3. ընկերության տարեկան հաշվետվությունների, հաշվապահական հաշվեկշիռների, շահույթների և վնասների հաշվի, շահույթների և վնասների բաշխման հաստատումը, տարեկան շահութաբաժինների վճարման մասին որոշման ընդունումը և տարեկան շահութաբաժինների չափի հաստատումը: Եթե ընկերությունում առկա է խորհուրդ, ապա Ընկերության տարեկան հաշվետվությունը և տարեկան ֆինանսական հաշվետվությունները և տարեկան ֆինանսական հաշվետվությունները ենթակա են նախնական հաստատման խորհրդի կողմից՝ տարեկան ժողովի գումարման ամսաթվից առնվազն 30 օր առաջ:

Ինչպես ՍՊԸ-երի դեպքում, բաժնետիրական ընկերությունների

ընկերությունների պարագայում
նույնպես, այն դեպքում, երբ
ընկերությունն ունի վերստուգիչ
հանձնաժողով, ապա Տարեկան ժողովի
հաստատմանը ներկայացվող տարեկան
հաշվետվության, տարեկան
ֆինանսական հաշվետվությունների
հավաստիությունը պետք է հաստատվի
Ընկերության վերստուգող
հանձնաժողովի (վերստուգողի)
եզրակացությամբ:

Ավելին, բաց բաժնետիրական
ընկերությունների պարագայում
տարեկան ժողովի գումարման մասին
հայտարարությունը պարտադիր ենթակա
է հրապարակման <http://www.azdarar.am>
հասցեում գտնվող Հայաստանի
Հանրապետության հրապարակային
ծանուցումների պաշտոնական
ինտերնետային կայքում: